

МОНГОЛ УЛСЫН ХУУЛЬ

2018 оны ... дугаар
сарын ... ны өдөр

Улаанбаатар
хот

ЗӨРЧИЛ ШАЛГАН ШИЙДВЭРЛЭХ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл.Зөрчил шалган шийдвэрлэх тухай хуульд доор дурдсан агуулга бүхий зүйл, хэсэг, заалт нэмсүгэй.

1/1.12 дугаар зүйлийн 9 дэх хэсэг:

“9.Прокурор бүрэн эрхийнхээ хүрээнд гомдол гаргагчийн зөрчигдсөн эрх, хууль ёсны ашиг сонирхлыг хамгаалах арга хэмжээг цаг алдалгүй авна.”

2/1.14 дүгээр зүйлийн 3 дахь хэсэг:

“3.Прокурор, шүүх энэ зүйлийн 2 дахь хэсэгт заасан гомдлыг хүлээн авснаас хойш ажлын 2 өдөрт багтаан шийдвэрлэнэ.”

3/1.15 дугаар зүйл:

“1.15 дугаар зүйл.Хүсэлт, гомдлыг зөрчлийн хэрэгт хавсаргах

1.Энэ хуульд заасны дагуу гаргасан хүсэлт, гомдол, тэдгээрийг хэрхэн шийдвэрлэсэн баримт, тэмдэглэл, холбогдох бүх материалыг зөрчлийн хэрэгт хавсаргана.“

4/1.8 дугаар зүйлийн 6.29 дэх заалт:

“6.29.хорих ангийн эрх бүхий албан тушаалтан Зөрчлийн тухай хуулийн 15.27 дугаар зүйлийн 3.11, 3.12, 3.13, 3.14 дэх заалт, 15.2 дугаар зүйлийн 2 дахь хэсэгт заасан зөрчил.”

5/4.2 дугаар зүйлийн 4, 5, 6, 7, 8 дахь хэсэг:

“4.Хойшлуулшгүй тохиолдолд энэ зүйлийн 2 дахь хэсэгт заасан ажиллагааг прокурорын зөвшөөрөлгүй явуулсан бол ажиллагаа дууссанаас хойш даруй зөвшөөрөлгүй явуулах болсон үндэслэлийн тайлбарыг бичгээр гаргаж, нотлох баримтын хамт прокурорт хүргүүлнэ.

5.Прокурор энэ зүйлийн 4 дэх хэсэгт заасан баримт, тайлбарыг хүлээн авснаас хойш 24 цагийн дотор зөрчил шалгах ажиллагааг хүчинтэйд тооцох эсэхийг шийдвэрлэнэ.

6.Прокурор зөрчил шалгах ажиллагааг даруй явуулахгүй бол нотлох баримт гэмтэх, устах, зөөвөрлөх, нуун далдлах бодит эрсдэл байсан эсэхийг хянан шийдвэрлэхийн тулд тухайн ажиллагаанд оролцсон хүнийг дуудаж мэдүүлэг авч, шаардлагатай нэмэлт материалыг эрх бүхий албан тушаалтнаас гаргуулан авч болно.

7.Прокурор эрх бүхий албан тушаалтнаас ирүүлсэн нотлох баримт, тайлбартай танилцсаны дараа дараахь шийдвэрийн аль нэгийг гаргана:

7.1.зөрчил шалгах ажиллагааг хүчинтэйд тооцох;

7.2.зөрчил шалгах ажиллагаа, нотлох баримтыг хүчингүй болгох.

8.Энэ зүйлийн 7.2 дахь заалтад заасан прокурорын шийдвэрт хураан авсан эд зүйл, баримт бичиг, битүүмжилсэн эд хөрөнгийг эзэмшигчид нь эргүүлэн олгохыг даалгана.”

6/4.5 дугаар зүйлийн 3, 4, 5, 6, 7, 8 дахь хэсэг:

“3.Эрх бүхий албан тушаалтан шуудан-цахилгаанаар явуулсан зүйлийг шуудан-цахилгаан харилцааны байгууллагад байх үед нь прокурорын зөвшөөрлөөр хураан авах, эсхүл үзлэг хийж болно.

4.Зарим онцлох эд зүйл, үнэт эдлэл, түүх, соёлын дурсгалт зүйл, тэсэрч дэлбэрэх, хордуулах бодисыг хураан авах ажиллагаанд мэргэжилтнийг оролцуулж, эсхүл мэргэжлийн байгууллагад хандан гүйцэтгүүлж болно.

5.Баримт бичгийг эхээр нь, шаардлагатай бол хууль ёсны эзэмшигчид эхийг нь буцаан олгож, хуулбарыг хэрэгт хавсарган тэмдэглэлд тусгана.

6.Хураан авсан эд зүйл, баримт бичгийн жагсаалт, тэмдэглэлийг эд зүйл, баримт бичгээ хураалгасан болон тухайн ажиллагаанд байлцсан хүнээр гарын үсэг зуруулж, хувийг эд зүйлийн эзэмшигч, эсхүл түүний хууль ёсны төлөөлөгч, өмгөөлөгчид даруй гардуулна.

7.Эд зүйл, баримт бичиг хураан авах ажиллагаанд энэ хуулийн 4.3 дугаар зүйлд заасан журмыг баримтална.

8.Хэрэгт ач холбогдолтой цахим баримтыг хуулбарлан авах, эсхүл түүнийг устгах, нэвтрэх боломжийг хязгаарлах боломжгүй бол цахим төхөөрөмжийг хураан авч болно.”

7/4.11 дүгээр зүйлийн 2.4 дэх заалт:

“2.4.хүний биед гэмтэл учирсан эсэхийг тогтоох шаардлагатай бол.”

8/4.11 дүгээр зүйлийн 9, 10, 11, 12, 13, 14, 15 дахь хэсэг:

“9.Шинжилгээний объектыг хүргэх, тээвэрлэх боломжгүй тохиолдолд шинжээчийг шинжилгээний объект байгаа газар чөлөөтэй нэвтрүүлэх, шинжилгээ хийх нөхцөлөөр хангах үүргийг шинжээч томилсон эрх бүхий байгууллага, албан тушаалтан хүлээнэ.

10.Шинжилгээний байгууллага нь шинжилгээ хийлгэх тухай шийдвэрийг хүлээн авмагц шинжээч, эсхүл шинжээчдийн багт шинжилгээ хийлгэхээр даалгана.

11.Шинжээчдийн багийн бүрэлдэхүүнд тухайн байгууллагад ажилладаггүй тусгай мэдлэг эзэмшсэн хүнийг шинжээчээр оролцуулж болно.

12.Энэ зүйлийн 10 дахь хэсэгт заасан тохиолдолд тухайн хүнийг шинжээчээр оролцуулах тухай шинжилгээний байгууллага нь шинжээч томилсон эрх бүхий албан тушаалтанд мэдэгдэнэ.

13.Эрх бүхий албан тушаалтан холбогдогчийг донтох сэтгэцийн эмгэгтэй эсэхийг тогтоолгох шаардлагатай гэж үзвэл шинжилгээнд хамруулах тухай шийдвэрийг эмнэлгийн байгууллагад хүргүүлнэ.

14.Донтох сэтгэцийн эмгэгтэй эсэхийг тогтоолгох шаардлагатай холбогдогч өөртөө, эсхүл бусдад аюул учруулж болзошгүй бол эмнэлгийн байгууллагад албадан хүргэж болно.

15.Эмнэлгийн байгууллагад албадан хүргүүлэх ажиллагааг тухайн шийдвэр гаргасан эрх бүхий албан тушаалтан цагдаагийн байгууллагатай хамтран хэрэгжүүлнэ.”

9/4.12 дугаар зүйлийн 2, 3, 4, 5, 6, 7, 8, 9, 10, 11, 12, 13 дахь хэсэг:

“2.Эрх бүхий албан тушаалтны энэ хуулийн 6.10 дугаар зүйлд заасны дагуу гаргасан шийдвэр, эсхүл зөрчлийн хэрэг хянан шийдвэрлэсэн шүүхийн шийдвэр хуулийн хүчин төгөлдөр болох хүртэл хураан авсан хөрөнгө, орлого, эд мөрийн баримтыг тусгай байранд хадгалж, энэ тухай баримтыг хавтаст хэрэгт хавсаргана.

3.Хураан авсан үндэсний болон гадаад валютыг тусгай дансанд байршуулна.

4.Хураан авсан хөрөнгө, орлого, эд зүйлийг хадгалах талаар гаргасан оролцогчийн хүсэлтийг үндэслэн тэдгээрийг хаана хадгалахыг эрх бүхий албан тушаалтан, прокурор, шүүхийн шийдвэрт тусгайлан зааж болно.

5.Тусгай хадгалалт, хамгаалалт шаардлагатай хөрөнгө, орлого, эд мөрийн баримт, шинжилгээний объектыг шүүх, прокурор, эрх бүхий албан тушаалтан, шинжилгээний байгууллагын шинжээчийн саналаар тухайн байгууллагаас өөр байгууллагад хадгалуулж болно.

6.Энэ зүйлийн 5 дахь хэсэгт заасны дагуу хураан авсан хөрөнгө, орлого, эд зүйлийг хадгалах, хамгаалах, хяналт тавих үүрэг хүлээсэн байгууллага, албан тушаалтан тэдгээрийн бүрэн бүтэн байдлыг хариуцна.

7.Зөрчлийн хэргийг харьяаллын дагуу, эсхүл шүүхэд шилжүүлэхдээ хураан авсан, битүүмжилсэн хөрөнгө, орлого, эд зүйлийн хамт хүргүүлнэ.

8.Хэргийг шүүхэд шилжүүлэхэд овор хэмжээний хувьд болон бусад шалтгаанаар хөрөнгө, орлого, эд зүйлийн хамт хүргүүлэх боломжгүй бол түүнийг шүүхийн шийдвэр гартал журмын дагуу хадгалж, энэ тухай баримтыг хавтаст хэрэгт хавсаргана.

9.Хүний эрүүл мэнд, байгаль орчин, мал, амьтанд хортой нөлөө үзүүлэх, нийтийн аюулгүй байдалд сөргөөр нөлөөлөх бодит үндэслэл бий болсон, эсхүл түргэн муудах, гэмтэх, устах, эсхүл зөрчлийг шийдвэрлэгдэх хүртэл чанар нь муудах хөрөнгө, орлого, эд зүйлийг эзэмшигчид нь буцааж өгөх боломжгүй тухай эрх бүхий албан тушаалтны шийдвэрийг үндэслэлтэй гэж үзвэл прокурор дараахь шийдвэрийн аль нэгийг гаргаж болно:

- 9.1.хэрэгцээний дагуу зохих байгууллагад шилжүүлэх;
- 9.2.хадгалуулахаар зохих байгууллагад шилжүүлэх;
- 9.3.худалдан борлуулж орлогыг тусгай дансанд хадгалах;
- 9.4.устгуулахаар зохих байгууллагад шилжүүлэх.

10.Эрх бүхий албан тушаалтны энэ хуулийн 6.10 дугаар зүйлд заасны дагуу гаргасан шийдвэр, эсхүл зөрчлийн хэрэг хянан шийдвэрлэсэн шүүхийн шийдвэрт хураан авсан, битүүмжилсэн хөрөнгө, орлого, эд зүйлийг буцаан олгохоор заасан боловч энэ зүйлийн 9.1, 9.3, 9.4 -т заасны дагуу тухайн хөрөнгө, орлого, эд зүйлийг шилжүүлсэн, худалдан борлуулсан, устгасан тохиолдолд эзэмшигчид нь адил төрөл, чанарын эд зүйлийг олгох, эсхүл үнийг төлнө.

11.Эрх бүхий байгууллага нь энэ зүйлийн 9 хэсэгт заасан ажиллагааны тэмдэглэл, устгасан, шилжүүлсэн, худалдан борлуулсан хөрөнгө, орлого, эд зүйлийн жагсаалтыг зөрчлийн хэрэгт хавсаргана.

12.Хавтаст хэргийн материал, хураан авсан хөрөнгө, орлого, эд мөрийн баримтыг хүлээн авах, хадгалах, шилжүүлэх болон энэ зүйлийн 9.1, 9.2, 9.3, 9.4-т заасан ажиллагааны журмыг Улсын ерөнхий прокурор батална.

13.Энэ хуулийн 1.8 дугаар зүйлийн 7, 8 дахь хэсэг шүүх хянан шийдвэрлэхээр заасан зөрчлийн улмаас хураан авсан, битүүмжилсэн эд зүйлийн талаар шүүх энэ хуулийн 8 дахь хэсэгт заасан шийдвэрийг гаргана.”

10/4.13 дугаар зүйлийн 9 дэх хэсэг:

“9.Зөрчил шалгах ажиллагаанд оролцсон хүн хүндэтгэн үзэх шалтгааны улмаас тэмдэглэлд гарын үсэг зурах боломжгүй бол энэ тухай эрх бүхий албан тушаалтан тайлбар бичиж тэмдэглэлд хавсаргана.”

11/ 6.5 дугаар зүйлийн 3 дахь хэсэг:

“3.Прокурор эрх бүхий албан тушаалтны зөрчлийн талаарх гомдол, мэдээллийг хүлээн авахаас татгалзсан шийдвэрийг хянаад дараахь шийдвэрийн аль нэгийг гаргана:

3.1.зөрчлийн талаарх гомдол, мэдээллийг хүлээн авахаас татгалзсан шийдвэрийг хэвээр үлдээх;

3.2.үндэслэлгүйгээр татгалзсан шийдвэрийг хүчингүй болгож, даалгавар өгөх;

3.3.үндэслэлгүйгээр татгалзсан шийдвэрийг хүчингүй болгож, зөрчлийн болон эрүүгийн хэрэг бүртгэлтийн хэрэг нээх, эрүүгийн хэрэг үүсгэж яллагдагчаар татах.”

12/6.6 дугаар зүйлийн 6, 7, 8, 9 дэх хэсэг:

“6.Эрх бүхий албан тушаалтан шаардлагатай гэж үзвэл зөрчлийг хялбаршуулсан журмаар шийдвэрлэхдээ энэ хуулийн 7.4 дүгээр зүйлд заасны дагуу зөрчлийн үр дагаварыг арилгах арга хэмжээг авч болно.

7.Прокурор эрх бүхий албан тушаалтны зөрчлийг хялбаршуулсан журмаар шийдвэрлэн шийтгэл оногдуулсан, шийтгэлээс чөлөөлсөн шийдвэрийг хянаад хүчингүй болгох, өөрчлөх үндэслэлтэй гэж үзвэл энэ хуулийн 7.6 дугаар зүйлд заасны дагуу дүгнэлт бичиж шүүхэд хүргүүлнэ.

8.Эрх бүхий албан тушаалтны хялбаршуулсан журмаар зөрчлийг шийдвэрлэсэн шийдвэрийг биелүүлэх ажиллагаанд энэ хуулийн 7.5 дугаар зүйлд заасан журмыг баримтлана.

9.Оролцогч зөрчлийг хялбаршуулсан журмаар шалган шийдвэрлэсэн эрх бүхий албан тушаалтны шийтгэл оногдуулсан, шийтгэлээс чөлөөлсөн шийдвэрт энэ хуулийн 7.6 дугаар зүйлд заасны дагуу гомдол гаргана.”

13/6.8 дугаар зүйлийн 4 дэх хэсэг:

“4.Эрүүгийн хэргийг хэрэгсэхгүй болгосон үйлдэл, эс үйлдэлд зөрчлийн хэрэг нээх тухай прокурорын шийдвэрийг эрх бүхий байгууллага хүлээн авсан өдрөөс эхлэн зөрчлийн хэрэг бүртгэлтийн хугацааг тоолно.”

14/6.9 дүгээр зүйлийн 5 дахь хэсэг:

“5.Зөрчлийн тухай хуулийн 5.4 дүгээр зүйлийн 4 дэх хэсэг, 6.20 дугаар зүйлд заасан зөрчлийн хохирогч, гэрч, тэдгээрт тусламж, үйлчилгээ үзүүлсэн хүний аюулгүй байдлыг хангах зорилгоор эрх бүхий албан тушаалтан зөрчлийн хэргийг холбогдогч, түүний өмгөөлөгч, төлөөлөгчид танилцуулахдаа хохирогч, гэрчийн мэдүүлэг болон биеийн байцаалтыг нууцлах арга хэмжээг авна.”

15/6.10 дугаар зүйлийн 4, 5, 6 дахь хэсэг:

“4.Холбогдогчийг насыг хуулийн дагуу авсан иргэний бүртгэлийн бичиг баримтаар тодорхойлно.

5.Дараахь тохиолдолд холбогдогчийн насыг тогтоох зорилгоор шинжээч томилно:

5.1.энэ зүйлийн 4 дэх хэсэгт заасан бичиг баримт нь хуурамч гэж үзэх үндэслэл байвал;

5.2.энэ зүйлийн 4 дэх хэсэгт заасан бичиг баримт байхгүй бол;

5.3.өөр улсад бүртгэлтэй, энэ зүйлийн 4 дэх хэсэгт заасан бичиг баримтыг олж авах боломжгүй бол.

6.Арван найман насанд хүрээгүй холбогдогчийг шийтгэлээс чөлөөлөхөд түүний зан байдал, араншин, үйлдэх үедээ ямар нөхцөл байдалд байсан, зөрчил үйлдэхийн өмнө болон зөрчил үйлдсэний дараа биеэ хэрхэн авч явж байсан зэргийг харгалзан үзэж болно.”

16/6.12 дугаар зүйл:

“6.12 дугаар зүйл.Шийтгэлээс чөлөөлөх

1.Эрх бүхий албан тушаалтан Зөрчлийн тухай хуулийн 2.3 дугаар зүйл, 3.2 дугаар зүйлийн 3 дахь хэсэгт заасан үндэслэлээр зөрчил үйлдсэн хүнийг шийтгэлээс чөлөөлөх тухай шийдвэр гаргаж, прокурорт даруй мэдэгдэнэ.

2.Эрх бүхий албан тушаалтан энэ зүйлийн 1 дэх хэсэгт заасан шийдвэр гаргахдаа дараахь нөхцөл байдлыг тогтоосон байна:

2.1.тухайн хүнийг зөрчил үйлдсэнийг нотлох баримт бүрдсэн эсэх;

2.2.Зөрчлийн тухай хуулийн 2.3 дугаар зүйлд заасан үндэслэл нотлох баримтаар тогтоогдсон эсэх;

2.3.эмнэлгийн чанартай албадлагын арга хэмжээ хэрэглэх шаардлагатай эсэх;

2.4. зөрчлийн үр дагаварыг арилгах арга хэмжээ авах шаардлагатай эсэх.

2. Эрх бүхий албан тушаалтан зөрчил үйлдсэн хүнд эмнэлгийн чанартай албадлагын арга хэмжээ хэрэглэх үндэслэлтэй гэж үзвэл албадлагын арга хэмжээ авахуулах тухай хүсэлтийг энэ хуулийн 7.3 дугаар зүйлийн 3 дахь хэсэгт заасны дагуу шүүхэд гаргана.

3. Шүүх энэ зүйлийн 2 дахь хэсэгт заасан хүсэлтийг энэ хуулийн 7.3 дугаар зүйлийн 6, 7 дахь хэсэгт заасны дагуу шийдвэрлэнэ.

4. Эрх бүхий албан тушаалтан шийтгэлээс чөлөөлөх тухай шийдвэрийн хувийг зөрчил үйлдсэн хүнд шийдвэр гарснаас хойш ажлын 3 өдрийн дотор биечлэн танилцуулах, эсхүл харилцаа холбооны хэрэгсэл ашиглан хүргүүлнэ.

5. Төрийн албан хаагчийн хуулиар хүлээсэн албаны чиг үүргийн хүрээнд хэрэгжүүлсэн үйлдэл, эс үйлдэхүй нь зөрчлийн шинжтэй бол түүнд холбогдох хариуцлагыг хүлээлгэх талаар харьяалах байгууллагын удирдлагад албан бичгээр, гэмт хэргийн шинжтэй бол энэ хуулийн 4.1 дүгээр зүйлийн 4 дэх хэсэгт заасны дагуу прокурорт даруй мэдэгдэнэ.

6. Прокурор эрх бүхий албан тушаалтны шийтгэлээс чөлөөлөх тухай шийдвэрийг хүчингүй болгох, өөрчлөх үндэслэлтэй гэж үзвэл дүгнэлт бичиж шүүхэд хүргүүлнэ.

7. Оролцогч эрх бүхий албан тушаалтны шийтгэлээс чөлөөлөх тухай шийдвэрийг эс зөвшөөрвөл энэ хуулийн 7.6 дугаар зүйлд заасны дагуу шүүхэд гомдол гаргана.”

17/7.3 дугаар зүйлийн 8, 9, 10, 11, 12, 13 дахь хэсэг:

“8. Албадан эмчилгээнд хамруулах хугацааг Согтуурах, мансуурах донтой өвчтэй этгээдийг захиргааны журмаар албадан эмчлэх тухай хуульд заасны дагуу тухайн этгээдийг албадан эмчлэх байгууллага тогтооно.

9. Шүүх зөрчил үйлдсэн хүнд баривчлах шийтгэлээс гадна албадан эмчлэгээнд хамруулахаар шийдвэрлэсэн бол тухайн этгээд баривчлах шийтгэлийг эдэлж дууссаны дараа албадан эмчилнэ.

10. Албадан эмчилгээнд хамруулах тухай шүүхийн шийдвэрийг Согтуурах, мансуурах донтой өвчтэй этгээдийг захиргааны журмаар албадан эмчлэх тухай хуульд заасан журмаар гүйцэтгэнэ.

11. Албадан эмчилгээнд хамруулах шаардлагатай холбогдогч нь өөртөө, эсхүл бусдад аюул учруулах, эсхүл оргон зайлж болзошгүй бол Албадан эмчлэх

тухай шүүхийн шийдвэр гарах хүртэл тухайн хүнийг 48 цаг хүртэл хугацаагаар саатуулж болно.

12.Энэ зүйлийн 11 дэх хэсэгт заасны дагуу саатуулах, шүүхийн шийдвэр гарсны дараа албадан эмчлэх газарт хүргэх ажиллагааг цагдаагийн байгууллага гүйцэтгэнэ.

13.Энэ зүйлийн 9 дэх хэсэгт заасан тохиолдолд баривчлах шийтгэлийг гүйцэтгэсэн байгууллага тухайн этгээдийг албадан эмчлэх байгууллагад даруй хүргэнэ.”

18/8.2 дугаар зүйлийн 9, 10, 11, 12, 13 дахь хэсэг:

“9.Шүүх зөрчлийн хэргийг давж заалдах шатны журмаар хянан шийдвэрлэхэд Эрүүгийн хэрэг хянан шийдвэрлэх тухай хуулийн 38.3, 38.4, 39.1, 39.2, 39.3, 39.4, 39.9, 39.10, 39.11, 39.12 дугаар зүйлд заасан журмыг баримтална.

10.Дараахь үндэслэлийн аль нэг нь байвал давж заалдах шатны шүүх анхан шатны шүүхийн шийдвэрийг хүчингүй болгох, эсхүл өөрчилнө:

10.1.шүүхийн тогтоолд заасан үндэслэл нь хэргийн бодит байдалтай нийцээгүй;

10.2.Зөрчлийн хуулийг буруу хэрэглэсэн;

10.3.Зөрчил шалган шийдвэрлэх тухай хуулийг ноцтой зөрчсөн.

11.Эрүүгийн хэрэг хянан шийдвэрлэх тухай хуулийн 39.6 дугаар зүйлд заасан нөхцөл байдлын аль нэг нь байгаа анхан шатны шүүхийн шийдвэрт заасан дүгнэлт хэргийн бодит байдалд нийцээгүй гэж үзнэ.

12.Дараахь нөхцөлийн аль нэг тогтоогдвол шүүх Зөрчлийн тухай хуулийг буруу хэрэглэсэн гэж үзнэ:

12.1.шүүх хэрэглэвэл зохих хуулийг хэрэглээгүй;

12.2.хэрэглэх ёсгүй хуулийг хэрэглэсэн;

12.3.хуулийн зүйл, хэсэг, заалтыг буруу тайлбарлаж хэрэглэсэн.

13.Дараахь нөхцөл байдлын аль нэг нь тогтоогдвол анхан шатны шүүх шийдвэр гаргахдаа Зөрчил шалган шийдвэрлэх тухай хууль ноцтой зөрчсөн гэж үзнэ:

13.1.шүүх шийдвэр гаргахдаа энэ хуулийн 4.15 дугаар зүйлийн 3, 4 дэх хэсэгт заасан нотлох баримтыг ашигласан;

13.2.шүүхийн шийдвэр нь Эрүүгийн хэрэг хянан шийдвэрлэх тухай хуулийн 36.2, 36.6, 36.7, 36.8, 36.9 дүгээр зүйлд заасан шаардлагыг хангаагүй;

13.3.зөрчлийн хэрэгт шүүх хуралдааны тэмдэглэл, түүнд хавсаргасан

нотлох баримт байгаагүй;

13.4.шүүх хуралдаанд уншиж сонсгосон шийдвэрийн тогтоох хэсэг гардуулсан шийдвэрийн тогтоох хэсгээс зөрүүтэй бол;

13.5.анхан шатны шүүх хуралдааны тэмдэглэл, дуу-дүрсний бичлэг зөрүүтэй бол;

13.6.илт үндэслэлгүйгээр хэргийг хэрэгсэхгүй болгосон.

19/9.2 дугаар зүйлийн 14 дэх хэсэг:

“14.Шүүх энэ зүйлийн 1 дэх хэсэгт заасан зөрчлийн хэргийг давж заалдах шатны журмаар хянан шийдвэрлэхэд энэ хуулийн 8.2 дугаар зүйлийн 10, 11, 12, 13 дугаар зүйл, Эрүүгийн хэрэг хянан шийдвэрлэх тухай хуулийн 38.3, 38.4, 39.1, 39.2, 39.3, 39.4, 39.9, 39.10, 39.11, 39.12 дугаар зүйлд заасан журмыг тус тус баримтална.

20/9.4 дүгээр зүйл:

“9.4 дүгээр зүйл.Дуудан ирүүлэх

1.Цагдаагийн байгууллагын эрх бүхий алба хаагч мэдүүлэг авах, шийдвэр танилцуулах, зөрчил шалгах ажиллагаанд оролцуулахаар энэ хуулийн 9.1 дүгээр зүйлийн 1 дэх хэсэгт заасан зөрчлийн холбогдогчийг дуудан ирүүлж болно.

2.Холбогдогчийг дуудах хуудсаар, эсхүл цагдаагийн байгууллагын албан ёсны харилцаа, холбооны хэрэгсэл ашиглан дуудаж болно.

3.Энэ хуулийн 9.1 дүгээр зүйлийн 1 дэх хэсэгт заасан зөрчлийн холбогдогч оргон зайлсан бол түүний хаана байгааг олж тогтоох зорилгоор цагдаагийн байгууллагаас эрэн сурвалжлах ажиллагааг явуулж болно.

4.Эрэн сурвалжлах ажиллагааны зардлыг энэ хуулийн 1.11 дүгээр зүйлд заасан журмаар тооцож, холбогдогчоор нөхөн төлүүлнэ.”

21/9.5 дугаар зүйл:

“9.5 дугаар зүйл.Зөрчлийн хэргийг нэгтгэх, тусгаарлах

1.Энэ хуулийн 9.1 дүгээр зүйлийн 1 дэх хэсэгт заасан нэг, эсхүл хэд хэдэн зөрчлийг хэд хэдэн холбогдогч хамтран үйлдсэн, эсхүл нэг холбогдогч хэд хэдэн зөрчлийг үйлдсэн бол зөрчлийн хэргийг нэгтгэж шалгах ажиллагааг явуулж болно.

2.Зөрчлийн хэргийг тал бүрээс нь бүрэн бодитой шалган шийдвэрлэхэд саад болохгүй бол зарим холбогдогчид холбогдох зөрчлийн хэргийг тусгаарлаж болно.

3.Зөрчлийн хэргийн нэгтгэх, эсхүл тусгаарлах тухай саналыг цагдаагийн байгууллагын эрх бүхий алба хаагч энэ хуулийн 4.2 дугаар зүйлийн 1 дэх хэсэгт заасны дагуу прокурорт гаргана.

4.Прокурор энэ зүйлийн 3 дахь хэсэгт заасан саналыг хүлээн авч хянаад ажлын 3 өдөрт багтаан дараахь шийдвэрийн аль нэгийг гаргана:

4.1.зөрчлийн хэргийг тусгаарлах, эсхүл нэгтгэх;

4.2.зөрчлийн хэргийг тусгаарлах, эсхүл нэгтгэхээс татгалзах.

5.Цагдаагийн байгууллагын эрх бүхий алба хаагч энэ зүйлийн 4 дэх хэсэгт заасан прокурорын шийдвэрийг эс зөвшөөрвөл энэ хуулийн 2.2 дугаар зүйлийн 2 дахь хэсэгт заасан журмаар гомдол гаргана.

6.Зөрчлийн хэргийг нэгтгэн шалгах ажиллагааг явуулсан боловч зарим зөрчлийн хэрэг нь нотлогдоогүй бол цагдаагийн байгууллагын эрх бүхий алба хаагч тусгаарлан зөрчлийн хэргийг хэрэгсэхгүй болгох тухай саналыг энэ хуулийн 9.1 дүгээр зүйлийн 7 дахь хэсэгт заасан журмаар шүүхэд гаргана.

2 дугаар зүйл.Зөрчил шалган шийдвэрлэх тухай хуулийн 1.7 дугаар зүйлийн 1, 2 дахь хэсгийн “төрийн” гэсний дараа “болон албаны” гэж, 1.9 дүгээр зүйлийн 1.5 дахь заалтын “нас барсан” гэсний дараа “, 16 насанд хүрээгүй бол” гэж, 2.1 дүгээр зүйлийн 1, 2 дахь хэсгийн “шийтгэл оногдуулсан” гэсний дараа “, шийтгэлээс чөлөөлсөн” гэж, мөн зүйлийн 2 дахь хэсгийн “6.27” гэсний дараа “, 6.28” гэж, 2.2 дугаар зүйлийн 1.4 дэх заалтын “бусад” гэсний өмнө “хуульд заасан” гэж, мөн зүйлийн 3 дахь хэсгийн “хянан” гэсний дараа “гомдолд дурдсан шийдвэрийг хүчингүй болгох, өөрчлөх, эсхүл гомдлыг хүлээн авахаас татгалзан” гэж, 4.11 дүгээр зүйлийн 4 дэх хэсгийн “шинжилгээ хийж” гэсний дараа “, магадлагаа гаргаж” гэж, “7.6 дугаар зүйлийн гарчигийн “Шийтгэл оногдуулсан” гэсний дараа “, шийтгэлээс чөлөөлсөн гэж, мөн зүйлийн 1, 2 дахь хэсгийн “шийтгэл оногдуулсан” гэсний дараа “, шийтгэлээс чөлөөлсөн” гэж, мөн зүйлийн 2 дахь хэсгийн “6.27” гэсний дараа “, 6.28” гэж тус тус нэмсүгэй.”

3 дугаар зүйл.Зөрчил шалган шийдвэрлэх тухай хуулийн 1.12 дугаар зүйлийн 8 дахь хэсэг, 1.13 дугаар зүйлийн 4 дэх хэсэг, 4.2 дугаар зүйлийн 3 дахь хэсэг, 4.5 дугаар зүйлийн 2 дахь хэсэг, 4.6 дугаар зүйлийн 5 дахь хэсэг, 4.10 дугаар зүйлийн 4, 5 дахь хэсэг, 4.11 дүгээр зүйлийн 8 дахь хэсэг, 4.12 дугаар зүйлийн 1 дэх хэсэг, 4.13 дугаар зүйлийн 8 дахь хэсэг, 6.10 дугаар зүйлийн 3 дахь хэсэг, 7.5 дугаар зүйлийн 6 дахь хэсэг, 8.2 дугаар зүйлийн 7 дахь хэсгийг доор дурдсан агуулгаар тус тус өөрчлөн найруулсугай.

1/1.12 дугаар зүйлийн 8 дахь хэсэг:

“8.Энэ зүйлийн 1, 4 дэх хэсэгт заасан гомдлыг хүлээн авсан прокурор түүнд дурдсан үндэслэлийг тал бүрээс нь хянан шаардлагатай бол нэмэлт баримт гаргуулж, тайлбар авч болно.

2/1.13 дугаар зүйлийн 4 дэх хэсэг:

“4.Энэ зүйлийн 1 дэх хэсэгт заасан хүсэлтийг шийдвэрлэхэд энэ хуулийн 1.12 дугаар зүйлийн 8, 9 дэх хэсэгт заасан журмыг баримтална.”

3/4.2 дугаар зүйлийн 3 дахь хэсэг:

“3.Прокурор энэ зүйлийн 2 дахь хэсэгт заасан саналыг хүлээн авсан даруй зөвшөөрөл олгох эсэх тухай шийдвэр гаргана.”

4/4.5 дугаар зүйлийн 2 дахь хэсэг:

“2.Эрх бүхий албан тушаалтан хураан авах ажиллагааг эхлэхийн өмнө хураан авах эд зүйл, баримт бичгийг сайн дураар гаргаж өгөх, зааж өгөх боломжийг тухайн хүн, хуулийн этгээдийн төлөөлөгчид олгоно.”

5/4.6 дугаар зүйлийн 5 дахь хэсэг:

“5.Эд хөрөнгө битүүмжлэхдээ Шүүхийн шийдвэр гүйцэтгэх тухай хуульд заасан хүний өдөр тутмын зайлшгүй хэрэгцээний эд зүйлийг битүүмжилж болохгүй.”

6/4.10 дугаар зүйлийн 4, 5 дахь хэсэг:

“4.Шинжилгээнд зориулан авсан хэв загвар, дээжийг хадгалах, шилжүүлэх, устгах, тээвэрлэх журмыг Засгийн газар батална.

5.Хэв загвар, дээж авах ажиллагааг зөрчил шалгах ажиллагааны аль ч үед явуулж болно.”

7/4.11 дүгээр зүйлийн 8 дахь хэсэг:

“8.Эрх бүхий албан тушаалтан, прокурор, шүүгч шинжилгээ хийлгэх шийдвэрээ шинжилгээний байгууллага, шинжээчид шинжилгээний объектын хамт хүргүүлнэ.”

8/4.12 дугаар зүйлийн 1 дэх хэсэг

“1.Шүүх, прокурор, эрх бүхий албан тушаалтан хураан, битүүмжилсэн авсан хөрөнгө, орлого, эд зүйлийн хадгалалт, хамгаалалтыг хариуцна.”

9/4.13 дугаар зүйлийн 8 дахь хэсэг:

“8.Тэмдэглэлд зөрчил шалгах ажиллагаанд ашиглаж байгаа техник хэрэгслийн нэр төрөл, үзүүлэлтийг тэмдэглэж, хэдэн минутын бичлэг хийсэн, хэдэн ширхэг гэрэл зураг авсныг тусгана. Дуу-дүрсний бичлэгт тухайн ажиллагааны зорилго, он, сар, өдөр, байршил, эхэлсэн, дууссан цаг, минутыг тусгана.”

10/6.10 дугаар зүйлийн 3 дахь хэсэг:

“3.Энэ зүйлийн 1.3 дахь заалтад заасны дагуу арван найман насанд хүрээгүй холбогдогчийг шийтгэлээс чөлөөлөхдөө түүний хувийн байдалтай холбоотой дараахь мэдээллийг тогтоосон байна:

- 3.1.төрсөн он, сар, өдөр, нас;
- 3.2.амьдралын нөхцөл байдал ба хүмүүжилтэй холбоотой мэдээлэл;
- 3.3.зөрчил үйлдэхэд нөлөөлсөн шалтгаан, нөхцөл;
- 3.4.зөрчил хамтран үйлдэгч байсан эсэх;
- 3.5.сэтгэцийн өвчинтэй холбогдолгүй боловч ухаан санаа нь гүйцэд хөгжөөгүйн улмаас өөрийнхөө үйлдлийн холбогдлыг бүрэн ойлгож байгаа эсэхэд эргэлзээ төрвөл шинжээч томилж, дүгнэлт гаргуулах.”

11/7.5 дугаар зүйлийн 6 дахь хэсэг:

“6.Энэ зүйлийн 5 дахь хэсэгт зааснаар хураан авсан, битүүмжилсэн эд зүйлийн хадгалалт, хамгаалалтыг эрх бүхий байгууллага, хөрөнгийн шилжилт хөдөлгөөнийг хязгаарласан тухай шийдвэрийг хүлээн авсан байгууллага энэ хуулийн 4.12 дугаар зүйлд заасан журмын дагуу хэрэгжүүлнэ.”

12/8.2 дугаар зүйлийн 7 дахь хэсэг:

“7.Энэ зүйлийн 6 дахь хэсэгт заасан гомдол, эсэргүүцлийг Эрүүгийн хэрэг хянан шийдвэрлэх тухай хуулийн 38.1, 38.2 дугаар зүйлд заасан журмаар гаргана. “

4 дүгээр зүйл.Зөрчил шалган шийдвэрлэх тухай хуулийн 1.8 дугаар зүйлийн 6.2 дахь заалтын “туслах” гэснийг “туслагч” гэж, мөн зүйлийн 6.6 дахь заалтын “цагдаагийн ажилтан” гэснийг “цагдаа” гэж, мөн зүйлийн 6.9 дэх заалтын “15.27 дугаар зүйлд” гэснийг “15.27 дугаар зүйлийн 1, 2 дахь хэсэг, 3.1, 3.2, 3.3, 3.4, 3.5, 3.6, 3.7, 3.8, 3.9, 3.10 дахь заалтад” гэж, мөн хэсгийн 6.10 дахь заалтын “9.9,” гэснийг “9.9 дүгээр зүйл, 9.10 дугаар зүйлийн 2.2, 2.3 дахь заалт, 3 дахь хэсэг,” гэж, 2.1 дүгээр зүйлийн 1 дэх хэсгийн “26 дахь” гэснийг “26, 29 дэх” гэж, 2.2 дугаар зүйлийн “Эрүүгийн хэрэгт хянан шийдвэрлэх тухай хуулийн 15.6, 15.7 дугаар зүйлд” гэснийг “энэ хуулийн 1.12 дугаар зүйлийн 8, 9 дахь хэсэгт” гэж, 3.4 дүгээр зүйлийн 6 дахь хэсгийн “1.1 дэх заалтад” гэснийг “1 дэх хэсэгт” гэж, 4.2 дугаар зүйлийн 2 дахь хэсгийн “зөвшөөрлийг прокуророос авахдаа Эрүүгийн хэрэг хянан шийдвэрлэх тухай хуулийн 22.2, 22.3 дугаар зүйлд заасан журмыг баримтлана.” гэснийг “саналыг уг ажиллагааг явуулахаас 24 цагаас доошгүй хугацааны өмнө прокурот хүргүүлнэ.” гэж, 4.13 дугаар зүйлийн 7 дахь хэсгийн “1.1 дэх заалтад” гэснийг “1 дэх хэсэгт” гэж, 5.3 дугаар зүйлийн 3 дахь хэсгийн “даруй” гэснийг “энэ хуулийн 4.2 дугаар зүйлд заасан журмын дагуу” гэж, 6.7 дугаар зүйлийн 1 дэх хэсгийн “6.6 дугаар зүйлд” гэснийг “6.6 дугаар зүйлийн 1 дэх хэсэгт” гэж, 7.2 дугаар зүйлийн 7 дахь хэсгийн “маягтыг” гэснийг “маягт, түүнийг хэрэглэх журмыг” гэж, 7.3 дугаар зүйлийн 4 дэх хэсгийн “Эрүүгийн хэрэг хянан шийдвэрлэх тухай хуулийн 21.2, 24.4 дүгээр зүйлд” гэснийг “энэ хуулийн 4.5, 4.6 дугаар зүйлд” гэж, 7.6 дугаар зүйлийн 1 дэх хэсгийн “6.26 дахь” гэснийг “6.26, 6.29 дэх” гэж, 9.2 дугаар зүйлийн 3 дахь хэсгийн “1 дэх хэсэгт” гэснийг “1.3 дахь заалтад” гэж, мөн зүйлийн 12 дахь хэсгийн “Гучин найм,

Гучин есдүгээр бүлэгт заасан үндэслэл, журмын” гэснийг “38.1, 38.2 дугаар зүйлд заасны” гэж тус тус өөрчилсүгэй.

5 дугаар зүйл.Зөрчил шалган шийдвэрлэх тухай хуулийн 1.8 дугаар зүйлийн 6.2 дахь заалтын “5.6 дугаар зүйлийн 9, 10 дахь хэсэг, 5.11 дүгээр зүйлийн 1.3 дахь заалт, 6.4 дүгээр зүйлийн 2.8 дахь заалт, 7.3 дугаар зүйл,” гэснийг, мөн зүйлийн 6.6, 6.8 дахь заалтын “5.2” гэснийг, мөн зүйлийн 6.11 дахь заалтын “6.3 дугаар зүйлийн 2.1, 2.2 дахь заалт, 6.6 дугаар зүйлийн 2 дахь хэсэг, 6.12 дугаар зүйл, 6.14 дүгээр зүйлийн 6 дахь хэсэг, 8.3 дугаар зүйлийн 2 дахь хэсэг, 9.7 дугаар зүйлийн 1.4 дэх заалт, 11.21 дүгээр зүйл, 11.22 дугаар зүйлийн 6, 8 дахь хэсэг” гэснийг, 6.1 дүгээр зүйлийн 1 дэх хэсгийн “прокурорын нэгдсэн бүртгэлд бүртгүүлж,” гэснийг, 7.4 дүгээр зүйлийн 1 дэх хэсгийн ”хохирлыг нөхөн төлүүлэх,” гэснийг тус тус хассугай.

6 дугаар зүйл.Зөрчил шалган шийдвэрлэх тухай хуулийн 6.11 дүгээр зүйлийн 1 дэх хэсгийн 1.2 дахь заалтыг хүчингүй болсонд тооцсугай.

7 дугаар зүйл. Энэ хуулийг 2018 оны ... дугаар сарын өдрөөс эхлэн дагаж мөрдөнө.

Гарын үсэг